


کربد لہائی اسلامیه ی محبائی منفقہ مخصوص

سید محمد علی بن محمد بن محمد

نسخہ فوق العادہ سی



معارف نظارت جلیله سنک فی ۲۶ صفر سنه ۱۳۱۵ و فی ۱۵ تموز سنه ۱۳۱۳ تاریخ
و ۴۳ نومرو لی رخصتنامه سی حائزدر

استانبول

(محمود بك) مطبعه سی — باب عالی جوارنده ابوالعزیز جادو سنه نومرد ۷۲

۱۳۱۵

رهر نورانی به مظهر قلمقله ده اعزاز ایل مشدر .
انسان نور فیوض عقل ایل جمعیت بشریه نك عمران
واقبالی آر تیرمغه ، وجودیله بر حیات نو ، برواق
دیگر و یردیکی کره ارضی حاکنه بر اقتدار ایل
اداره ایتمکه موفق اولور . کون کچدکجه آنی منفعت
نامیله بیك درلو شکله ، پک روح آشوب بر تحوله
اوغر ادر !

حکمت خلقت ایل برابر آرایش پذیر ظهور
اولان سعی ایل نوع بشر پک چوق خوارق کشفیه ،
پک بیوک آثار بدایع وجوده کتیرمکه کسب اقتدار
ایل یور . ثمره سعیله بومختخانه عالمده مسعودانه ،
آزاده سرانه یاشامغه ، فضیلت سعیه استناد ایتک
صورتیله منسوبی اولدینی جمعیت بشریه بیوک
بر خدمت ابرازینه ، اوسایده ای بر شان قزائمغه ،
اونودلماز بر نشان بر اقمغه اوزنه یور .

تقسیم اعمال قاعده سی هرکی وظیفه نامنه
بر غیرته ، بر قیده ، فن نامنه بر طریق تقیضه
دوشور یور ! اوغیرت ، اوفیض ایل بتون نوع بشر
تأمین معیشته ، استکمال رفاه وسعاده چالیشور .
اوقویور ، ذهنیله دوشونیور . ایل ایشله یور ،
یالکیز اوقومق ، دوشونمکله اکتفا ایتیمور .
حکمت تجربیه ده آرایور ، اوئودیغنک ، دوشوندیکنک
بر محصولاتی ، بر محصول تفکرینی کورمکه ، اجرا
ایتدیکی غیرتدن نافع بر ثمره الده ایتمکه خواهش
کوستریور .

بیطراق فنی ده (تقسیم اعمال) ک بر رکن ،
اعظمیدر ! طبابت بشریه ایل توأم اولان بوم ۳۴
فن ایل ملکمزده صنایع ، تجارت ، وسائط نقلیه —
دها قیصه بر تعبیر ایل — ثروت عمومی پندرای
تعالی وترقی اولمقده در . بوفن ایل وجود حیواناته
استیلا ایدن بر چوق امراض و دواهی نك چاره

اصلا اونوتولماز ، ابدی بر نام جهانگیرانه بر اقدیکیز .
اللهه قسم ایدرم که روی زمینده سز اللهه
دینه نصرت ایتدیگیز . خلاق آسمان ده سزی امور
خیریه به موفق ایتدی .

خاقان مفتح و سلطان معظم مزغازی (عبدالحمید)
خان ثانی افندمر حضرتلرینک حل معضلات
امور خصوصنده کی مسلك جلیل سیاسیلری ،
طرق سائرده دن افضل وعالیدر .

ای بزم خلیفه فاروق عنوان وولی نعمت
بی امتنان جهان اولان شهریار معالی نشانمز ! فضائل
وکالات مجبوله همایونکیز دن طولایی جناب پروردکار ،
ذات خلافتسمات جناب خسروانه گزی یریوزنده کندی
ذات الوهیتک ظلی اولق اوزره اختیار بیور مشدر .
دین مبین اسلامه نصرت ایچون تیغ رخشان عزیزتی
سل ایدره رک آنکله آچلمسی مشکل اولان شیلری
آچدیگیز وجهاد ایچون جیش عر مرهم تجهیزیل
لشکر اعدای دینی قهر و تدمیر ایتدیگیز . بزبندگان
صداقتشان ملوکانه گز ، لوای شریعت اسلامییه
رفع واعلا ایتمش اولان بوفتح مبین مناسبتیله عتبه
آسمان مرتبه جناب ملوکانه گزه تبریکات عبود -
یتندانه مزی تقدیم ایدره رک کسب فخر ایلرز .

جناب حق ، شرف جاودانی محمدی حرمتنه
ذات ملائکسمات ناجدارانه گزی دائما منصور
ومظفر ایتسون . او محمد نبی [صلم] حرمتنه که جناب
مستعان آنی مستغرق رحمت بی پایان ایتمشدر .

مقاله مخصوصه

بیطراق لنگ لزومی

جناب حق نوع بشری بر صنع اعجاز نماده خلق
بیورمغله برابر آنی عقل نامیله بر قوه کلیه یه ، بر

اعانه سيله مطلوب اولان نقطه يه، بازار اخذ واعطايه
کو توري ليور . بيطراق ، بونارک محافظه صحت
وادامه حياتنه خدمت ايتديکی جهته فوق العاده
مهم دکلیدر ؟

فن ذراعته محير عقول بر موفقيت ، بر حيات ويرن
حيوانات اهليه سر ايت وصولت ايدن (شاربون)
خسته ليکی تاثيريله سنوي يوز بيکتر جه حيوانات
زمين هلاکه سري لور کن طبابت بيطريه نك موفقيت
اعجاز کارانه سندن اولمق اوزره توصيه ايلديکی وسائط
تحفظيه سايه سنده اومحذور کوندن کونه بر طرف
اولمقده ، بوخسته ليکدن طولايي ثروت ملک وملتک
اوضرا ديفي رخنلر قبادلمقده در !

بيطراق طبابت بشريه ايله توأمدر . چونکه
نوع بشر ايله زمره حيوانات بيننده تشکلات عضويه
ووظائف حياتيه نقطه نظرندن برفرق يوقدر .
برينک اوضرا ديفي امراضه ، ديکري ده — عيني
آثار وعلامت اظهار ايدهرک — مبتلا اوليور .
بری حقنده تطبيق اولنان تدابير دوايه ومداوات
صحيه ديکرينده تمامی تمامنه جاری بولونيور . دها
اساسليجه دوشونيور ، تعميق فکر ايديلور ايسه
طبابت بيطريه — بتون حيواناتک محافظه حياتنه
خادم اولمسی جهته — طبابت بشريه يده برماخذ ،
براساس اوله بيلور .

زیرا طبابت بشريه ده توسيع معلومات
چاره لری حال حاضرده حيوانات اوزرنده تحريات
تجربيه اجرا سيله قائم بولمقده ، حيواناتده صور
تطبيقيه بوجه ايله ايلر ولدکجه طبابت عالمنده پک
چوق موفقيتلر ، پک دلاراملر خيز آرای
حصول اولمقده در . نته کيم برعائله نك امید حياتي ،
مدار نشاطی اولان بر طفل شیرخوارک اوضرا ديفي
ديفتري (قوش پالازی) جدری بشر (چیچک)

خلاصی بولونديکی کبی بوفک صور تطبيقيه سی
سايه سنده انسانلره عارض اولان پک چوق خسته
لککلرک مؤثر مرضيه ده کشف اولنوب آنلرک
تاثيرات استیلا جويانه لرینه قارشى فن نامنه برسير
بر مقاومت استحضر اولمقده در ! اوت ! فنون
بيطريه منتسبلر پک کوستر دکلری اقدامات
خيرخواهانه نمره سی اوله رق نوع بشره سر ايت
ايدن بر چوق انتانی ومدهش خسته لککلرکده اوکی
آليور ! بوجی آشایده تدقيق ايده جکر !
شوراجقده بيطرا نك اهميتيله ، منافع عموميه
بشره بخش ايلديکی سهواتی حقنده بر ايکی سوز
سويلرسک قارئین کرامتجه بر حق تقدیر مظهر
اولورز اميدنده بيم :

بيطراق ثروت ملک وملت خادمدر ! چونکه
بوفک محافظه حياتنه ، تکثير نوع واصلاح جنس
خدمت ايتديکی حيوانات اهليه نك بزه اعطا
ايلديکی منافع وفوائد لاتحصادر ! بز حيوانات
اهليه نك صاغلغنده سوديله ، ياغيله ، کوردیکی
ايشريله استفاده ايلديکمز کبی اولديکی وقتده ده
بتون اجزای وجودندن مستفيد اولمقده يز .
يوکيله فابريقلرده معمولات نفيسه وجوده کتيروب
اوسايده هم صاحب ثروت اوليورز ، همده ملبوسات
کبی وجودمزی صغوقدن ، صیجاقدن محافظه يه
مؤکل اولان مالزمه بشري الیه ايليورز . حیواناتی
ذبح ايله لحومندن حصه ياب انتفاع اوليور ، بو
وسيله ايله (آجلق) دينيان مبرم احتیاجدن وقایه
نفسه ، حیات شخصيه مزی ادا ميه موفق اوليورز !
حيوانات اهليه ، تجارت مملکتک محور انتظامده
جربانی تسهیل ايدن وسائط استحضر ايدن بری
بناءً عليه امر تجارتک مابه الاستناديدر ! چونکه
محصولات ارضيه ومعمولات صناعيه آنجوق حیوانات

طببات بشریه و کرک طببات بیطریه بی اساسندن
صارصممش ، فقط آتی دهامعقول براسلوبه ،
متین براساسه وضع ایلمشدر .

بوکون همان بالجمله خسته لککرک سبب مؤثری
(میقروب) اولدینی ، عالم خارجیده موجود
اولان بومیقروبلر طرق تنفسیه وهضمیه دن بریه
تکثیر ونشو ونمالرینه صالح شرائطی حاوی بولنان
وجود حیوانی وانسانی به داخل اولدقلرنده
خصوصی وعمومی مختلف خسته لککر حصوله
کتیردکاری (ایکی کره ایکی درت ایدر) قدر
بدهات فیه صره سنه کچدیکی کبی بر مرضک سبب
حقیقیسی بیلنوب ، رفع اولنمدقچه اومرضدن
خلاص امکانک بولنمدینی ده برکره دوشونیلور
ایسه بوکشفک تدایء امراض عالمنده نه قدر بیوک ،
نه درجه مهم بر چیغر ، بر میدان موفقیت آچدینی ده
غیر قابل انکار اولور .

برانسان ویا حیوان میقروبی خسته لکه قارشى
— عضویق مصون بولندیرمق ایچون حقیقی بر
واسطه یه ، بر استعداد مقاومته مالکدر . (معافیت)
دینیلن بو استعداد یا طبع بشرده فطره موجود
اولور ، یاخود وسائطنه مراجعت اولنمق صورتیه
صنعی اوله رق الده ایدیلور .

عضو انسانی ویا حیوانیده ، میقروبلر —
حجرات عضویه نك آهنگ انتظام وموازنتی بوزمق
صورتیه — بر تغیر حصوله کتیردکاری کبی حجرات
عضویه نك تأثیراتنه معروض اولمق ، قوتندن
دوشمک کبی نقایصدن ده میقروبلر آزاده
اوله مازلر . حجرات عضویه ده میقروبلری احما
ایلمک امرنده — لسان طبعده « فاغوسیتوز »
دینیلن — بر قابلیت موجود اولدیفندن داخل دائره
بدن اولان میقروبلرله حجرات حیاتییه پیئنده بر

کبی امراض مدهشه دن قوش پالازینه قارشى
دوقتور (رون) ک بارکیر سرومی ، چیچک قارشى
بوزاغیلردن استحصال اولنان (چیچک آشیسی)
الده اولنهرق اوسایه ده طبابتده بری (تدایى
مصلی Sérothérapie) دیکری تدایى تلقیحیدن
عبارت ایکی موفقیتلی طریق نجات آچلمشدر .
کرک آشی وکرک سرومک استحصالی امرنده
حیوانات مذکور نك بنیه ومزاجنك تدقیق ایله
هرنوع امراضدن سلامتی طباً مشروطدرکه : بوده
آنچق طببات بیطریه نك وجودیه ممکن اولمقده در !
بیطراق حرکات عسکریه نك روحیدر !
چونکه وقت سفردده اردولرک ارزاق ومهمات
حربیه سنی مطلوب اولان نقطه یه کونی کوننه ایصاله
هرشیدن زیاده حیواناتک خدمت ایتدیکنه ومخاربه ده
بارکیر سوارینك نیم دیکر موجودتی اولمسنه
کوره آنك صحت وسلامتنه نظارت ایدن طببات
بیطریه نك اردوجه شاهد نازنین ظفر ونصرتك
تجلیسنه نه درجه یاردم ایلدیکی محتاج ایضاح دکدر !
بو حقیقتی محاربه زائلده متفنن ، حاذق بیطار
اطباسنك دلخواه عالی وجه ایله کوستردکاری خدمات
مع زیاده انبات ایتمشدر .

بیطراق خادم انسانیتدر . چونکه نوع بشره
مسلط اولان امراض مختلفه یه یا سروم تدارکی
ویاخود صور سائر ایله چاره ساز اولمقده بیوک
بر اقتدار ، عظیم بر فعالیت ابراز ایله یور . کرک
حیواناتده وکرک نوع بشرده خسته لک اصلاً
بنفسه ظهور ایتمه مکده در . بو حقیقت مدقق شهر
موسیو (پاستور) ک بوکون ادراکیله مباهی
اولدیفمز اون طقوزنجی عصره رونق وشرف
ویرن (میقروب) حقنده کی کشفیات اخیره سیله
واصل مرتبه ثبوت اولمشدر ! بوکشف مهم کرک

مبارزه وجوده کلمه در . حیانه مدار استناد
اولان بومبارزه بلا استنا بتون حیوانات ، بتون
نوع بشر ایچون دائمی بروظیفه ، بر حال طبیعیدرا
فیض حیات بومبارزه ، بومبارزه ده کی قوه غالبه
سایه سنده ملک بدن تنویر ایتدیکندن مبارزات
مذکورده حجرات عضویه یاردم ایتک ایچون
قواعد فیسولوجیه دائره سنده یور ، ایچور ،
تنفس احتیاجندن بر آن خالی قالمیورز .

حیوانات ونوع بشری دائما ازعاج ایدن
امراض مختلفه دن هر برینک خصوصی بر میقروبی
وارد . بومیقروبلرک بدنه استیلا ایتدکری وقت
حاصل ایلدکری امراض یا عادی وباخود ساری
اوله ییلور . عادی خسته لکراک اوقدر مضرتی
اولیوب مع مافیه تداوی جهتیه موفقیتی وار
ایسده ساری خسته لکرا ، غیر قابل شفا اولمغله
برابر آز وقتده دائره سرایتی توسیع ایلدکری
جهتیه زیاده وخامتی موجبدر ! طبابت بوعصر
ترقیده اشعه کالاتی ایله جهان انسانی تنویر
ایتمکده ، تشریح ، علم وظائف الاعضا ، تشخیص
امراض ، تداوی ، جراحی ، نقطه نظرندن آثار
ترقی وتعالی کوسرتمکده در . مثلا کشفیات
جدیده ناک محیر عقول بدایع آثارندن معدود
اولان خرده بین آلتی اعانه سیله برانسان عناصر
تشریحیه ناک هر برندن بر جهان حقیقت کشف
ایدیور . حجرات عضویه ناک شکل وانتساجی ایله
وظیفه لرینی ، ادوار حیاتیه سیله صور تکاملیه لرینی ،
نه شکل وصورته کیرمک طاقت (وجود) دینیلن
بوهیکل بدیع الاثری وجوده کتیردکری ، نه کونا
تغیراته اوضرادق لرینی ، سبب حقیقیسی نه دن عبارت
اولدیغنی تدقیق ایدیور ، عین الیقین کوریور .

تشخیص امراض ده بویقین زمانده تعقیب

ایلدیکی شهره موفقیتی ، بر چوق کشفیات مصدر
اولق صورتیه ، سراپا تنویر ایلدی ! برمتفن ذاتک
دها و عرفانی محصولی اولان (روتکن) شعاعی
ایله کوز نورینک نفوذ ایده مدیکی اجسام عضویه
وغیر مرئی میدان علایته قونلیدی . شمیدی به قدر
ماهیت مرضیه سی بیلینه مین بر چوق خسته لکراک
نه دن عبارت اولدیغنی تمامیه ظاهر اولدی .
بوآنه دکن اجراسی ممکن اولمایان بر چوق
نازک عملیات جراحیه بکون اصول دفع تعفن
سایه سنده کمال امنیت وموفقیت ایله اجرا اولنهرق
بوسایه ده بر چوق حیات ، موت محققندن ده قورنا .
رلیدی . فقط امراض انتانیه ناک تداویسی اسرنده
موجود اولان عجز ، اطبایی هنوز دوشوندیر .
مکده در . چونکه بوکی انتانی خسته لکراک
میقروبلری اولدیرمک ایچون استعمال اولسان
ادویه طبیه ناک بعضری آنلرک حیاتی ازاله ایدیور .
بعضری ده آنلرک حظوظات حیاتیه لرینی آرتیره رق
حجرات عضویه حیاندن دوشوریور فقط
هر خسته لکک میقروبی پیدر پی بولندقجه ، عالم
انسانیه نافع برائر براقق خصوصنده نوع بشرده
موجود اولان فکر تفوق ایله میل ترقی پرورانه
باقی اولدقجه ، تداوی نامنه بر چوق بدایع فنون
میدانه کله جک ، اوسایه ده فن تداوی اوزرینه
موجود اولان معلومات طبیه ناک دائره فیض
وترقیسی توسع ایلیه جکدر .

بکون طبابت عالنده امراض انتانیه ناک
تداویسی خصوصنده تداوی شافی یرینه تداوی
وافی قائم اولمقده ، یعنی خسته لکک عدم حصوله
یاخود وقوعه ککش ایسه منع انتشارینه چالیشمقده در .
بوکا بناء بر مرضک ساری اولدیغنی بیلمک ،
بیلمیلره بیلدیرمک کک ثروت وکک محافظه

سود ویرن اینسکری بر طبیب بیطره معاینه
ایتدیریز .

مرض انسانیدن وجودی امین بولدیرم جق
وسائط وافیه دن بری ده (آشی) در . آشی بی
بیلمز دن اول معافیت نظریه سنی او کر نمک لازمدر .
حال حاضرده معافیت ایچون برچوق نظریه لر
موجود ایسه ده اک زیاده معقول و نفس الامر
موافق اولانی ورم میقروبنک کاشف حقیقی
اولان المانیا مشاهیر اطبا سندن (قوح Koch) ک
« فاغوستیوز » نظریه سیدر . موسیو قوح بونظریه
سندده : « عضویت حیوانیه و بشریه نك امراض
ساریه دن بعضلرینه قارشى مقاومت ایتمه سی حجرات
حیاتیه نك میقروبلرک حاصلات سمیه لرینه آزار
آزار معروض اولملرله آلیشوب بالاخره اونوع
خسته لیکک میقروبندن متأثر اولمه مسندن ایلرو
کلور « دیور . معافیتک ماهیتى ، حقیقه تصویر ایدن
بونظریه پک دوشرو ، پک معقولدر ! آشی اصول
مخصوصه سی وجه ایله تخفف ایتمش میقروب
ویروسی اولدیغندن حجرات حیاتیه بو ویروسه
آزار آزار معروض اولمغله آلیشوب عادنا
مهر داتیزه [۱] اولور .

آشی اصولی ایلك دفعه فکر بشره القا ایدن
اینکله ره اطبا سندن (ژنر) در . بوذانک فن حیاتیه ،
عالم انسانیه شرف نامتساهی بخش ایدن چیچک
حقننده کی تبعاتى موسیو پاستوری ایقاظ ایتمشدر . مدقق
مشارالیه طاووق قولراسی میقروبنک کولتورینى [۲]

[۱] مشهور مهر داتک آزار آزار سم بیهرك زیاده
مقدار سمه قارشى معافیت قزائیشى تاریخ آشنایانجه مثبت
اولدیغندن بونوع معافیه (مهر داتیزه) دیور .

[۲] کولتور Culture میقروبلرک دروننده صنعی
اوله رق تکثر ایتدکلى ات صوبى کبی مایع ، ژلاتین کبی
صلب وسطلردر .

صحت نقطه نظرندن پک مهمدر : مثلاً امراض
بیطریه دن (مانعافا) نامیه آکلاشیلان « رعام »
عائى میقروبی ، ساری ، غیر قابل شفا برخسته .
لیکدر ! بو خسته لیکک ساری اولدیغی بیلمه یین
برذات عینی خسته لیکله معلول بولنان کندی حیوانیه
نه کی تدابیر تحفظیه اجرا ایده جکنى ده بیله مز .
بو حالده خسته لک کیزی کیزی شدتى ، دائره توع
واستیلانسی آرتریر ، بر دیگر حیوانی ده مصاب
قیلار . بو محذور دن باشقه بو بیلمه مز لیکک بر
مخاطره سی ده واردرکه : اوده رعامک انسانه
سرایت ایتمه سی ، بونک ده نقیدر اولمه مسیدر !
بعضاً رعام مجرد عدم تقید نتیجه سیله انسانده
سرایت ایده رک آنى (رعام بشرى) دینیان مدهش
برخسته لیکه اوغرادوب نور حیاتی سوندیرر .
شمى برکیمسه رعامک ساری اولدیغی ، هنوز
تداوی قطعیسی بولنه مدیغی بیلیرسه اوزمان عادى
نعابند طاقنک (سقاومى ایی ایده رم) دیه اورته یه
قویدقلى واهی افکارى سریعاً رد ایده رک
آنلره ، آنلرک بوضورتده کی شارلئانلقلرینه اعتماد
ایتمز . رعام حقننده بزه معلومات مفیده ویرمچک ،
بزی راه نجاته ارشاد ایده چک آنجق اطباى
بیطریه در . بیطر اطباسی تدرن دینیان خسته لیکک ده
ساری وشفادن بری اولدیغی ، نوع بشردن ماعدا
حیوانات اهلیه دن اینسکر وبارکیرلرک ده بو خسته لیکه
مصاب اولدقلى نی ، احتیاجات بشریه ایچون
هر کون صرف واسته لاک اولنان لحوم و سودلرک
بالمعاینه محذور دن سالم بولمدیغی سویلر لرسه
شبهه سز اولباده ایجاب ایدن تدابیر تحفظیه
توسل چاره لرینی دوشمنور ، او یله محذوری لحوم
مندرنه و سودلرک اکل و صرفندن صرف نظر
ایلرز . احوالده ایچیله چک سودی ایجه قاینادیر ،

تحمض حقیقی به عرض ایتدیکنده بالاخره بو کولتورک و بروسیتیک آزالدیغنی کورمش، بوضعیف کولتوری صاغلام بر طاووغه تلقیح ایتدیکنده بو طاووغک متأثر اولمادیغنی کبی بالاخره تلقیح اولنان شدتلی و بروسهده مقاومت ایتدیکنی کورمشدر. باستور بو ایلمک موفقیت ایله بعدما امراض ساریه نك آشی ایله تدای قبول ایده جکنی— وجدانی بر قعات ایله — حکم اتمش و بونقطه نظر دن اوغرا شوق بالاخره نوع بشر ایچون بلای آسمانی قدر مدھش اولان «قودوز» علنی آشیسی ایله ، زراعتی اساسندن قورودان «شاربون» خسته لکنک آشیسی بولمشدر .

بو آشیلرک تطبیقی اول امرده مصاب حیواناتک فی الحقیقه مذکور خسته لکلره معلول اولدقلرینک کشفته مربوط اولدیغنی دوشونیلورسه ینه بیطراغه اولان احتیاج و لزوم کال حقیقی ایله تجلی ایدر ! بوکون آوروپاده محیر عقول اوله جق بر مکملیت ایله آثار فیض و ترقی کوسترن فنون بیطریه سایه کالانسرمایه حضرت ملکداریده ملکمزده اشعه فیض ایله عیون افتخار منری تنویر ایتمکده و هر سنه بیطر مکتب عالیندن نشئت ایدن اطباء بیطریه دن اردوی هایونارجه بیوک فائده کورلمکده در . فقط بو حقیقتدن غافل بولنان بعض ساده دلان اهالی بیطراقله آنک بر شعبه سی اولان نعلیندلیکی مساوی طوته رق بینلرنده بر فرق و رجحان بوله میور . بیطراقله نعلیندلیک بیننده پک چوق فرق واردر . بیطراقله حیوانات اهالیه منری تدای ایدن بر صنعت ایتده بوسنعت «راسیونالیزم Rationalisme» یعنی آثار و تنقیدات عقلیه اوزرینه مؤسسدر ؛ طیب بیطر برخسته لکه قارشو و بریدیکی علاجک عضویت حیوانیه ده نه کبی بر تاثیر فیسولوزی و دوائی اجرا

ایلدیکنی دوشنور، اونقطه نظر دن معقول بر طرز تدای اتخاذ ایدر . خسته سنی ده او یولده اشفایه چالیشور . سنینک ثمره سنی ده کورور . حال بوک بر نعلیند و بریدیکی علاجک ترکیبی نه اولدیغنی ، عضویت حیوانیه ده نه یولده بر تاثیر دوائی اجرا ایتدیکنی بیله منر . بیله مدیکندن بیلمک ده ایسته منر . بویله لکله الله دوشن قیمتدار بر حیوانی جهالتی اغورینه قربان ایدرکه آز بر تفکرله بوفنا عادتک تاثیر مشومی نظر لر ده در حال تعین ایدر !

بر قصر اق، مثلاً اقوام نجیبه صربک وجودیله افتخار ایتدیکی بر صرب قیصر اغنی ، تشکلات عضویه سنک مکملیتی ، مالک اولدیغنی اوصاف طبیعیه نك مقبولیتی جهتیله صاحبنه کنیدیغنی سودیرر ، سوء سوء بسله دیر . فقط فنون بیطریه نك دقایق احواله واقف اولماین بر کیمسه یوقاریده تعداد اولنان اوصاف حسنه یی حائز بر حیوان الده ایتمکه اوزندیکی ، بو خصوصده مصرفدن چکنمیدیکی حالده بر آت جانبازینک دام اغفالاننه اوغرا مقندن قورتیله ماز ! آت جانبازلرینک افادات مشتریفریبانه سنه قاپیله رق — فن نقطه نظرندن پک چوق محاذیری جامع اولان بر حیوانی الی آلتش لیره مقابله صاتون آلدیغنی حالده بالاخره مذکور حیوانک یاغیر قابل شفا بر خسته لک یاخود نظره دائماً بر چرکینلک کوسترن فنا بر نشان ایله معیوب اولدیغنی کورور . بو خطیاتی میدانه قویه جق ، آت جانبازلرینک حیللرینی کشف و اخراج ایتک صورتیله منافع عمومیه خدمت ایلیه جک ، بیطر لر در !

فاضل مدقق ، ادیب حکیم عطوفتو احمد مدحت افندی حضرتلرینک بوندن یکرمی سنه مقدم بیطراقله لک لزوم و تشریح ماهیاتی امرنده یازدقلری اون آلتی صحیفه لک بر مقدمه ده : «بوکون

دل غمگین آراردی بر لعه
ظلمات ایچره حائر و نالان
دیده دن دوشدی بر ایکی دمه
یاده کلدی او مهر مشرق آن

§
نه به باقدمسه آغلا یور صاندم
بخت ناساز قلب و برانه
نار جانسوز یأس ایله یاندم
باشلادم نالسه غریبانه

§
تا اوزاقلرده کیزلیجه هر بار
بکا آغوش آچاردی بر مقبر
که دریندن بر آه آتشیبار
طویار، ایکلردی روح غمپرور

§
قلب خوابیده طبیعت آه
مرتعدی هبوب صرصردن
ظلمت لیل او صبحی بی هرگاه
کوش ایدردی غریق بهت و حزن*

اوله ایتشدی تکائف ظلمت
که صانیرلردی تجسم ایتش
دیردی بی چاره دل پر بخت
بختم آفاقه ترسم ایتش

روح زارنده دمام سودا
کریه افشان تأثردی بنم
بانیهوردی نیجه دمدر حیف
آتش حسرت ایله جان و تم*


او قدر چوقدی که دردم محم
نالهم افلاکه بیله صیغمازدی
سوزشم دمبدم آرتزدی بنم
نه قدر آغلاسه چشم آزدی

§
لیله هجرده فکر ایلرکن
متصل حال غریبانه می بن
طوغدی اول مهر قیوضات افکن
ایتدی بردن بره آفاقی شن

بیطار دینلیدیکی کبی آنی نعلبند کبی عادی، جاهل
بر آدمه بکزم تن پک چوق ساده دل اهای و اردر!
آور و پاده بیطار دینلیدیکی زمان بونک بر طبیب ذوفنون
اولدینی در حال خواطر عمومیه خطور ایدر .
بیطار بوکون طبیب قدر فن کورر — طبیب قدر
حیاتی تبیع ایدر — طبیب بیطرله دو قنور بیننده کی
فرق یالکیز انسان ایله آت آراسنده کی مناسبات
حیوانیه دن عبارتدر . یعنی حفظ صحت خدمته
طبیب ایله بیطارک ایکیسی دخی مشترکدر . فنون
صحه یی ایکیسی ده بر نسبتده او قورلر . یالکیز انسانک
صحتی ایله آتک صحتی تفریق زمانی کلنجه بونلر بری
برندن آیریلورلر . « دیه عالمانه ، حکیمانه بر فکر
یورودیورلر . مشارالیهک دوغرو بر تمیز ،
خیرخواهانه بر تبعی ثمره سی اولان شو سوزلرک
محض حقیقت اولدینی بزده تصدیق ایدر ، بوکونه
کلنجه یه قدر فنون بیطریه نک احراز ایتدیکی
رولق و مکملیه شواثری بر حجت کبی تاقی ایلرز .

ابن رشید :

عقل



شب تأثر

شعر

اولیهوردی سخائب کریان
خاکدانه دمام اشک افشان
پک حزن .. پک سیاه ابدی آفاق
برطرف ایتیموردی هیچ اشراق
گاه بر عاصف مهیب آواز
اوله رق کوکله طنین انداز
طالی غرق دهشت ایلردی
هر کسی وقف خشیت ایلردی

§